

**Landesbibliothek Oldenburg**

**Digitalisierung von Drucken**

**Jahrbuch für das Oldenburger Münsterland**

**Vechta, Oldb, 1969-**

Heinrich Siefer: Notre Dame

**urn:nbn:de:gbv:45:1-5285**

*Heinrich Siefer*

## Notre Dame

Wi hebbt den,  
de dor de Klocken treckt,  
nich funnen,  
un uk van 't Lüuen  
hebbt wi ampaat nicks hört,  
väls tau fosse  
hüll'n use Hannen  
sück gägensietig fast.

*Heinrich Siefer*

## De Olsch

De Olsch,  
de ut mien' Hann'n  
mien Kummtied läsen wull,  
hebb ik 't nich gewehren laoten.  
Aohn' diene Hanne is 't  
ja bloß ein halwet Leven.

*Heinrich Siefer*

## Noch maol

Noch maol weer  
sik fallen laoten  
in dien' Arms  
kien Droom is 't mehr  
  
sik drägen laoten  
van dien  
„Ik bün di gaut!“  
aohne to fraogen  
wenner 't toenne geiht

*Heinrich Siefer*

## September

Üm de leßden Rausen  
de 't lenget  
naoh de Sünne  
gollen Straohlen  
de ehr noch maol  
weer löchten laot't  
in besten Staot  
blinkert sülvern  
dünne Fäädens  
wor  
as wörn se dor uprieget  
Daudraopen  
hangt  
as Pareln.